

**В Неделю 2-ю по Святей Пятидесятнице
Память Всех святых, в земли Русской просиявших**

На велицей вечерни

Блажен муж: кафизма вся. На Господи, возвах: стихиры на 10, воскресны 3, глас 1: Вечерняя наша: Обидите, людие: Приидите, людие: и Анатолиева едина, глас тойже: Веселитесь, Небеса: и стихиры святых 6, последнюю: Святых память: оставляем, Слава, святых, глас 1: Веселися о Господе: И ныне, догматик рядоваго 1-го гласа: Всемирную славу:

Стихиры святых, глас 3. Самогласны:

Приидите, собори верных,/ сущия в земле нашей святыя восхвалим:/ преподобныя, и иерархи, и князи благоверныя,/ мученики и священномученики,/ и Христа ради юродивыя,/ и жен святых сословие,/ вкупе именуемая и неименуемая,/ сии бо воистинну дела и словеса, и многовидным житием,/ и от Бога дарования/ соделашася святии/ и Руси тезоимение святости подаша,/ ихже и гробы Бог чудеса прослави,/ и ныне несредственно прославльшему их Христу предстояще,/ молятся прилежно о нас,/ любовию совершающих светлое их торжество.

Приидите, православия любителие,/ песенными добротами похвалим богомудрыя святители Церкви Русския,/ священства венцы, благочестия правило,/ источники Божественных исцелений неисчерпаемая,/ пролитие дарований духовных,/ реки многих чудес,/ землю Русскую веселящая течением,/ благоверным людем теплыя пособники,/ ихже ради Христос врагов возношения низложит,/ имеяй велию милость.

Земля веселится и Небо радуется,/ отцы преподобнии,/ восхваляюще подвиги и труды ваша,/ душевное благомощие и ума чистоту,/ законом бо естества не победитесь./ О соборе святый и полче Божественный,/ земли наша утверждение вы есте воистинну.

Ины стихиры, глас 8. Самогласны:

Блаженнии богомудрии князие Русские,/ православною мудростию сияющие,/ добродетелей же светлостью блистающие,/ озаряете верных исполнения,/ бесов тьму отгоняюще;/ темже, яко причастники невечерняя благодати/ и наследия вашего хранители непостыдныя,/ вас почитаем, досточуднии.

Мученицы Христовы преблаженнии,/ на вольное заколение сами себе предасте,/ и землю Русскую кровью вашими освятите,/ и воздух просветите преставлением;/ ныне же живете на Небесах,/ во свете невечернем,/ о нас всегда молящися, боговидцы.

Блаженнии Христа ради юродивии и праведнии,/ на Руси Святой просиявши,/ вы, отвержением себе Христу последовавше,/ мудрейшим юродством прехитрили есте диавола,/ сего связавше подвиги вашими,/ и, богатство носяще в души некрадомо,/ вся Христова учения делом исполните,/ и, ныне на Небесах ликующе,/ не престаите молитися о Русстей земли/ и о всех

почитающих вас.

Святых память/ велие торжество явися земли нашей,/ и, о том хвалящися, возглаголем:/ не забудьте отечества вашего, Русския земли,/ но всех нас поминайте,/ совершающих память вашу, вси святии,/ молящися о нас ко Господу.

Слава, глас 1:

Веселися о Господе, Русь Православная,/ радуйся и ликуй, верою светло одевшись,/ телеса подвижников веры и свидетелей истины/ в недрах своих имущи, яко сокровище,/ насладися чудес, от них истекающих,/ и, видящи полк сей святей,/ от видимых и невидимых врагов ты ограждающий,/ благодарно Спасу возопий:/ Господи, слава Тебе.

И ныне, Богородичен. Глас тойже: Всемирную славу:

Вход. Прокимен дне и чтения три.

Пророчества Исаиина чтение (глава 49, 8–15):

Тако глаголет Господь:/ во время приятное послушах тя/ и в день спасения помогох тебе./ И создах тя и дах тя в завет языков,/ еже устроить землю и наследити наследие пустыни./ Глаголюща сущим во узах: изыдите!/ И сущим во тьме: открыйтесь!/ На всех путех пасться будут,/ и на всех стезях пажить их./ Не взалчут, ниже вжаждут,/ ниже поразит их зной, ниже солнце,/ но Милуяй их утешит я/ и сквозе источники вод проведет я./ И положу всякую гору в путь/ и всякую стезю в паству их./ Се сии издалеча приидут,/ сии от севера и моря, инии же от земли Персския./ Да веселятся Небеса, и радуется земля,/ да отрыгнут горы веселие и холми правду,/ яко помилова Бог люди Своя/ и смиренныя людей утешит./ Рече же Сион:/ остави мя Господь, и Бог забы мя./ Еда забудет жена отроча свое?/ или не помилует исчадия чрева своего?/ Аще ли же и сих забудет жена,/ но Аз не забуду тебе, – глаголет Господь.

Премудрости Иисуса, сына Сирахова, чтение

(глава 44, 1–14):

Восхвалим убо мужи славы и отцы наша в бытии./ Многу славу созда Господь в них величием Своим от века./ Господствующе в царствиих своих/ и мужи, именити силою, советующе разумом своим,/ провещавшии во пророчествах;/ старейшины людей в советех/ и в разуме писания людей./ Премудрая словеса в наказании их;/ ищуще гласа мусикийска и поведающе повести во писаниих,/ мужи богати, обдаровани крепостию,/ мирно живуще в жилищих своих./ Все сии в родех прославлени быша,/ и во днех их похвала./ Суть от них иже оставиша имя, еже поведати хвалы./ И суть, ихже несть памяти, и погибоша, яко не сущии,/ и быша яко не бывше, и чада их по них./ Но сии мужие милостивии,/ ихже правды не забвены быша,/ с семенем их пребудет доброе наследие,/ изчадия их в заветех./ Остася семя их и чада их по них,/ до века пребудет семя их,/ и слава их не потребится./ Телеса их в мире погребена быша,/ а имена их живут в роды./ Премудрость их поведают людие,/ и похвалу их исповесть Церковь.

Премудрости Соломоновы чтение (глава 3, 1–9)

Праведных души в руке Божией,/ и не прикоснется их мука./ Непщевани быша во очесех безумных умерти./ И вменися озлобление исход их./ И еже от

нас шѣствие – сокрушѣние, онѣ же суть в мѣре./ Ибо пред лицѣм человѣческим
аще и мѹку приѣмут./ упованіе их безсмѣртія исполнено./ И вмале наказани
бывше./ великими благодѣтельствовани бѹдут./ яко Бог искусі я и обрѣте их
достойны Себѣ./ Яко злато в горнѣле, искусі их/ и, яко всеплѣдие жѣртвенное,
прият я./ и во время посещенія их возсияют/ и, яко іскры по стѣблию, потекѹт./
Сѹдят языком и обладаѹт людьми./ и воцарѣтся Господь в них во вѣки./
Надѣющіися Нань уразумеѹт истину./ и вѣрнии в любви пребѹдут Емѹ./ Яко
благодать и мѣлость в преподѣбных Егѹ/ и посещение во избранных Егѹ.

На литіи стихіры святыхъ вси.

Самогласен, глас 8:

Срадуитесь с нами, вси лица святыхъ/ и вся ангельская чиноначалія./
духовне совокупльшесь./ приѣдем и воспоѣм благодарную песнь Христу Богу:/
се бо безчисленный сонм сродников нашихъ/ предстоит Царю Славы/ и молебнѹ
ходатайствует о нас./ Сии суть столпы и красота вѣры православныя./ сии
ученія, и дѣлы, и кровей излияніи/ Церковь Божию прославиша./ сии от всехъ
предѣл земли нашея возсияша./ и веру православную в ней/ чудесы и знаменіи
утвердиша./ и во иныя страны пронесѹша./ апостольски ревнюще./ инии же
пустыни и грады обительми святыми украсиша./ ангельское житіе показѹюще./
мнози руганіи, и ранами, и лютою смѣртію/ от сыновъ вѣка сего искусишася./
мнози же и инѣми видами./ во всяцем чинѣ подвижавшесь./ нам терпѣнія и
злостраданія образ подаша./ и вси вкупе молят нынѣ Господа/ от бед
избавитися отечеству нашему/ и всем нам спастися.

Ины стихіры, подобны на осемь гласѹв.

Глас 1. Подобен: О, дивное чѹдо:

О, дивное чѹдо!/ Источницы благочестія/ на Руси являються./ и
путеводителие к Небесі святіи сродницы нам бываѹт./ Веселися, Русь
Православная./ сих отечество земное./ Возопиѣм, вѣрнии./ таковыя имѹще в
бѣдахъ заступники./ блаженнии и святіи./ Бога не престайте о нас молити./
подающаго вами земли нашей велию мѣлость.

Глас 2. Подобен: Егда от Древа:

Свѣтите отечеству вашему всегда./ славному чудотворцы русстии./ якоже
звѣзды свѣтлыя./ покрываѣте бо присно сие от пагубы враговъ/ и избавляѣте
озлобленія и бѹри всякия./ Темже радостно празднует./ лѣтнюю пѣмать,
блаженнии, совершающе./ верою и любовью поюще Господа./ вас
прославльшаго.

Глас 3. Подобен: Велия мученик:

Велия святыхъ Твоихъ, Христѣ, сила./ во гробѣхъ бо лежаще./ дѹхи
прогоняют/ и упраздниша вражью власть./ верою Троицескою подвигшесь/ во
благочестіи.

Глас 4. Подобен: Дал еси:

Дал еси знаменіе/ боящимся Тебѣ, Господи./ Крест Твой честный./ ѣмже
тѣи, посрамивше/ начала тьмы и власти./ на Святей Руси православіе
утвердиша./ Темже Твое человеколюбное смотрѣніе славим./ Иисусе
всесильне./ Спасе душ нашихъ.

Глас 5. Подобен: Радуйся:

Приидите, Небеснии предстателие наши, к нам, / вашего требующим милостивнаго посещения, / и избавите озлобленныя мучительскими прещении / и лютаго неистовства неверных, / от нихже, яко пленницы и нази, гоними есмь, / от места на место часто переходяще / и заблуждающе в вертепех и горах. / Ущедрите убо, прехвальнии, / и даруйте нам ослабу, / утолите бурю / и угасите еже на ны негодование, / Бога моляще, / подающего вами земли нашей велию милость.

Глас 6. Подобен: Все отложше:

Все отложивше / житейское томление / и сладость текущую презревше, / крест взясте, яко иго Божественное, / и Христу последоваше, / и к Небесному покою чудно вселистесе. / О друзи Христови, сосуди честнии, / святии вси, на Руси просиявшии, / приидите посреде нас невидимо, / предначинающе торжество и пение / и сподобляюще даров невещественных / ваш праздник совершающих светолепно.

Глас 7. Подобен: Не ктому возбраняеми:

Не лишени есмь надежды спасения, / святыя бо сродники наша имама, / о нас молящияся. / Господи, слава Тебе.

Глас 8. Подобен: Господи, аще и судищу:

Господи, / аще и нам по всему подобни быша святии, / но, пристрастия земнаго отвергшеся, / любовию к Тебе крепко привязашася, / и, венчавшеся ныне / рукою Твоею, / предзащищают души наша.

Слава, и ныне, глас тойже,

Богородичен. Самогласен:

Срадуитесь с нами, умная чиноначалия, / духовный совокупльше лик, / видяще Царицу и Владычицу всех, / многоименне верными славиму: / радуются же и души праведных, / сущии зрителие видения, / на воздухе молбно простирающе всечестней Свой руке, / просящу умирения миру, / и странам Руси Святой утверждения, / и спасения душ наших.

На литии в молитве Спаси, Боже: поминает диакон избранных святых Церкви Русския, в молитве же Владыко, Многомилостиве: поминает предстоятель якоже обычай иматъ (зри устав на литии, страницы <355–380>).

И входим в храм, поюще стихиры стиховны воскресны 1-го гласа: Страстию Твоею: Да радуется: Царь сый: Жены мирносицы: со стихий их. Слава, святых, глас 2: Новый доме: И ныне, Богородичен, глас тойже: Вышнии лица: Или ин Богородичен, глас 8: О, преславнаго чудесе! Небесе и земли Царица:

На стиховне стихиры святых, глас 2.

Подобен: Доме Евфрафов:

Земле Русская, / граде святый, / украшай твой дом, / в немже Божественный / велий сонм святых прослави.

Стих: Господи, Господь наш, / яко чудно Имя Твое по всей земли.

Церковь Русская, / красуйся и ликуй, / се бо чада твоя / Престолу

Владычню/ во славе предстоят, радуящися.

Стих: Святым, иже суть на земли Его,/ удиви Господь вся хотения Своя в них.

Соборе святых русских,/ полче Божественный,/ молитесь ко Господу/ о земном отечестве вашем/ и о почитающих вас любовью.

Слава, глас и подобен тойже:

Новый доме Евфрафов,/ уделе избранный,/ Русь Святая,/ храни веру православную,/ в нейже тебе утверждение.

И ныне, глас и подобен тойже:

Вышнии лица,/ Богородице Дево,/ поют с нижними,/ славяще непрестанно/ Рождество Твое Пречистое.

Ин Богородичен, глас 8.

Подобен: О, преславнаго чудесе:

О, преславнаго чудесе!/ Небесе и земли Царица,/ от святых сродников наших умоляемая,/ до ныне землю Русскую покрывает/ и лика Своего изображении милостивно обогащает./ О Владычице Державная!/ Не престани и на будущее время/ во утверждение на Руси православия/ милости и чудеса изливати до века. Аминь.

На благословении хлебов Богородице Дево: дважды, и тропарь святых, глас 8, единойды.

Тропарь святых, глас 8:

Якоже плод красный Твоего спасительнаго сеяния,/ земля Русская приносит Ти, Господи, вся святых, в той просиявших./ Тех молитвами в мире глупоце/ Церковь и страну нашу Богородицею соблюди, Многомилостиве.

На утрени

На Бог Господь: тропарь воскресен, глас 1: Камени запечатану: единойды, и святых тропарь, глас 8: Якоже плод: единойды.

Слава, ин тропарь, глас 4:

Иерусалима Вышняго гражданы,/ от земли нашея возсиявшая/ и Богу во всяцем чину и всяким подвигом угодившая,/ приидите, воспойм, вернии:/ о всеблаженнии Руси Святой заступницы,/ молитесь ко Господу,/ да помилует сию от гнева Своего,/ исцеляя сокрушение ея,/ и верных люди Своя утешит.

И ныне, Богородичен, глас тойже:

Днесь светло красуется Православная Русь,/ яко зарю солнечную, воспримши, Владычице,/ чудотворную Твою икону Владимирскую,/ к нейже ныне мы притекающе/ и молящися Тебе, зываем сие:/ о пречудная Владычице Богородице,/ молися из Тебе воплощенному Христу Богу нашему,/ да избавит землю Русскую и вся страны христианския/ невредимы от всех навет вражиих/ и спасет души наша, яко Милосерд.

По стихословиих седальны воскресны 1-го гласа со стихы их. По полиелеи ипакой воскресен, глас 1: Разбойничо покаяние: и иные седальны святых от 1-го стихословия, глас 3: Мужайся, Христова Церковь: и от 2-го стихословия, глас 1: Аще и глаголют: Также седальны святых по полиелеи, глас 5: Красуйся, светися Русь: Слава, глас 3: Светло совершающе: И ныне, Богородичен, глас 4: Яко необоримую стену:

По 1-м стихословии седален святых, глас 2.

Подобен: Апостоле, Христу Богу:

Солнце правды, Христос, вас посла, якоже лучи,/ просвещающие землю Русскую,/ угодницы Божии, от рода нашего просиявшие./ Темже молите Его, святии,/ облегающий нас ныне облак неверия разгнати/ и даровати нам мир и велию милость.

Слава, ин седален, глас 3.

Подобен: Дева днесь:

Мужайся, Христова Церковь,/ и державствуй над всею борющимися!/ Христови бо друзи о тебе пекутся,/ и предстояще, и обстояще,/ ихже общий праздник ныне/ совершаеши светло.

И ныне, Богородичен, глас 5:

Пред святою Твоею иконою, Владычице,/ молящиеся исцелений сподобляются,/ веры истинныя познание приемлют/ и агарянская нашествия отражают./ Темже и нам, к Тебе припадающим,/ грехов оставление испроси,/ помыслы благочестия сердца наша просвети/ и к Сыну Твоему молитву вознеси/ о спасении душ наших.

По 2-м стихословии седален, глас 1.

Подобен: Гроб Твой:

Яко солнце светлое, яко блистающая денница,/ память честная в земли Русстей просиявших святых возсия,/ всех нас освещаючи и согревающи сердца наша/ к подражанию житию их Божественному и к ревности о вере.

Слава, ин седален, глас тойже:

Подобен: Камени запечатану:

Аще и глаголют сынове века сего:/ приидите, оставим вся праздники Божия от земли,/ но Царство Господне и еще державствовать имать,/ дерзость врагов отражающее./ Темже настоящее торжество светло празднующе,/ Единому Царю и Богу нашему возопийм:/ слава Тебе, Русь Православием освятившему;/ слава Тебе, святых многия в ней прославльшему;/ слава Тебе, и доньне верным крепость дарующему.

И ныне, Богородичен, глас тойже:

Боголюбивая Царице,/ Неискусомужная Дево, Богородице Марие,/ моли за ны Тебе возлюбившаго/ и рождшагося от Тебе Сына Твоего, Христа Бога нашего,/ подати нам оставление прегрешений,/ миру мир,/ земли плодов изобилие,/ пастырем святину/ и всему человеку роду спасение,/ грады и страны земли Русския от нахождения иноплемнных заступи/ и от междоусобных брани сохрани./ О Мати Боголюбивая Дево,/ о Царице Всепетая!/ Ризою Своею покрый нас от всякаго зла,/ от видимых и невидимых враг защити/ и спаси души наша.

Полиелей

Аще несть иконы всех русских святых, поставляем икону Пресвятыя Троицы. По окончании псалмов полиелейных священнослужители же поют величание Пресвятей Троице: Величаем Тя, Триипостасный Владыко: и абие священнослужители же поют величание Пресвятей Богородице: Достойно есть: Посем поем на оба лика псалом избранный: Благо есть: и припеваем величание

святым: Ублажаем вас: к стихам сего псалма, ко всем или токмо к некоторым, якоже указася. Посем не певше: Слава, и ныне: 1 лик поет: Благословен еси, Господи, научи мя оправданием Твоим. Ангельский собор: и прочие тропари воскресныя по непорочных.

Аще празднество совершаем во ин день, священнослужители поют величание Пресвятей Троице и посем поем псалом избранный иной: Воскликните Господеву, вся земля: (зри страницы <384–386>). К стихам сего псалма, ко всем или токмо к некоторым, якоже указася, припеваем величание святым. Слава, и ныне: Аллилуия, трижды. И конечное величание Пресвятей Богородице.

По полиелейных псалмах священницы поют величание Пресвятей Троице:

Величаем Тя,/ Триипостасный Владыко,/ верую православною землю Русскую озарившаго/ и святых сродников наших/ сонм велий в ней прославльшаго.

И абие священнослужители же поют величание Пресвятей Богородице:

Достойно есть величати Тя,/ Богородице,/ земли Русския Царицу Небесную/ и людей православных/ Владычицу Державную.

Посем стих 1-й псалма избраннаго Благо есть: и величание святым:

Ублажаем вас,/ чудотворцы наши славнии,/ землю Русскую добродетельми вашими озарившии/ и образ спасения нам/ светоявленно показавшии.

Псалом избранный,

поемый в Неделю 2-ю по Пятидесятнице:

1 лик: Благо есть исповедатися Господеву и пети Имени Твоему, Вышний, возвещати заутра милость Твою и истину Твою на всяку ночь./ Ублажаем вас: 2 лик: Великий Господь и хвален зело, во граде Бога нашего, в горе святей Его. 1. Род и род восхвалят дела Твоя и силу Твою возвестят. 2. Великолэпие славы святыни Твоея возглаголют и чудеса Твоя поведают. 1. Память множества благости Твоея отрыгнут и правдою Твоею возрадуются. 2. Господь крепость людем Своим даст, Господь благословит люди Своя миром. 1. Яко благоволит Господь в людах Своих и вознесет кроткия во спасение. 2. Возвеселятся вси уповающие на Тя, во век возрадуются, и вселишия в них, и похваляться о Тебе любящии Имя Твое./ Ублажаем вас: 1. Сей род ищущих Господа, ищущих лице Бога Иаковля. 2. Мне же зело честни быша друзи Твои, Боже, зело утвердишася владычествия их. 1. Изочту их, и паче песка умножатся. 2. Уведите, яко Господь, Той есть Бог наш, Той сотвори нас, а не мы, мы же людие Его и овцы пажити Его. 1. Милости Твоя, Господи, во век воспою, в род и род возвещу истину Твою усты моими. 2. Милость же Господня от века и до века на боящихся Его. 1. Боящиеся Господа уповаша на Господа, Помощник и Защититель им есть. 2. Радуйтеся Богу, Помощнику нашему, воскликните Богу Иаковлю. 1. Возрадуемся о спасении Твоем и во Имя Господа Бога нашего возвеличимся./ Ублажаем вас: 2. Господь утверждение людей Своих и Защититель спасений Христа Своего есть. 1. О Боже сотворим силу, и Той унижит стужающая нам. 2. Господи, силою Твоею возвеселится царь, и о спасении Твоем возрадуется

зело. 1. О Бóже похва́лимся весь день, и о Имени Твоём испове́мся во век. 2. Земля́ даде́ плод свой, благослови́ ны, Бóже, Бóже наш, благослови́ ны, Бóже, и да убо́ятся Егó вси концы́ земли. 1. Спаси́ ны, Гóсподи Бóже наш, и собери́ ны от язýк испове́даться Имени Твоему́ свято́му и хвали́тися во хвалé Твоёй. 2. Благословён Госпóдь, Бог Изра́илев, от вéка и до вéка, и рекýт вси лю́дие: бóди, бóди./ Ублажа́ем вас:

Посём тропари́ воскрeсныя по непорóчнах. Ектений ма́лая. Ипако́й воскрeсен, глас 1: Разбóйничо покая́ние: и и́ны седа́льны святых от 1-го стихослóвия, глас 3: Мужа́йся, Христо́ва Це́рковь: и от 2-го стихослóвия, глас 1: А́ще и глаго́лют: (зри страни́цы <329–330>).

Та́же седа́льны святых по полиеле́и, глас 5:

Красу́йся, свети́ся, Русь Правосла́вная, луча́ми Креста́,/ егóже има́ши всем ве́рным храните́ля,/ ты же мно́жество все де́монское,/ тьмы испо́лнышеся, отве́ргни.

Сла́ва, глас 3.

Подóбен: Да веселя́тся:

Све́тло соверша́юще настоя́щее торже́ство,/ восхва́лим и Андре́я Первозва́ннаго,/ я́ко Ру́ския земли́ апо́стола,/ пе́рваго ева́нгельским благове́стием си́ю огласи́вшего,/ той бо, я́коже дре́вле пра́отцем на́шим,/ та́ко и нам ны́не взыва́ет:/ прииди́те, обрето́хом Желáемаго.

И ны́не, Богоро́дичен, глас 4:

Я́ко необори́мую стéну и исто́чник чуде́с/ стяжавше Тя, раби́ Твои́, Богоро́дице Пречи́стая,/ сопроти́вных ополче́ния низлага́ем./ Те́мже мо́лим Тя:/ мир земли́ Ру́стей да́руй/ и душа́м на́шим ве́лию ми́лость.

А́ще 2-я неде́ля по Пятидeся́тнице, степeнна воскрeсна, 1-го гласа. Прокíмен воскрeсный, глас 1: Ны́не воскресну́, глаго́лет Госпóдь,/ положу́ся во спасéние, не обвиню́ся о нем. Стих: Словеса́ Госпóдня, словеса́ чи́ста. Вся́кое дыха́ние: Ева́нгелие воскрeсное 2-е, от Ма́рка, зача́ло 70. Воскрeсéние Христо́во: Псалóм 50. Сла́ва: Моли́твами апо́столов: И ны́не: Моли́твами Богоро́дицы: Стихи́ра: Воскрeс Иису́с от грóба:

А́ще храм Всех ру́ских святых, степeнна воскрeсна 1-го гласа. Прокíмен святых, глас 4: Ра́дуйтесь, пра́веднии, о Гóсподе,/ пра́вым подоба́ет похвала́. Стих: Бóди, Гóсподи, ми́лость Тво́я на нас, я́коже упова́хом на Тя. Вся́кое дыха́ние: Ева́нгелие хра́ма Всех святых ру́ских, от Матфе́я, зача́ло 10. Воскрeсéние Христо́во: Псалóм 50. Сла́ва: Моли́твами всех святых ру́ских,/ Ми́лостиве, очисти́/ мно́жество согрeшeний на́ших. И ны́не: Моли́твами Богоро́дицы,/ Ми́лостиве, очисти́/ мно́жество согрeшeний на́ших. Помíлуй мя, Бóже,/ по вели́цей ми́лости Твоёй/ и по мно́жеству щедрóт Твои́х/ очисти́ беззакóние моё. Стихи́ра, глас 6: Ежелéтнюю па́мь:

Стихи́ра святых по 50-м псалме́, глас 6:

Ежелéтнюю па́мь днесь/ святых срóдников на́ших соверша́юще,/ досто́йно сия́ да ублажи́м./ Ти́и воистинну́ чрез вся́ блаже́нства Госпóдня проидо́ша:/ обнища́вшие бо дýхом – обогати́шася/ и крóтцы бы́вшие – зéмлю крóтких насле́дова́ша,/ пла́кавшие – утeшишася,/ алка́вшие пра́вды – насы́тишася,/ ми́ловавшие – помíловани бы́ша,/ чи́сти бы́вшие се́рдцем – Бо́га я́коже мо́щно

узрѣша,/ миротворѣвше – Божественнаго сподобишася сыноположенія,/ гоними же и мучими правды ради и благочестія бывше –/ на Небесех ныне веселятся и радуются/ и прилѣжно молятся Господеви/ помиловатися отечеству нашему.

Аще поем службу Всех святых русских во ин день, степенна, 1-й антифон 4-го гласа. Прокимен, Евангелие и стихира по 50-м псалме святых.

И глаголет диакон: Спаси, Боже, люди Твоя: (зри страницу 354).

Аще 2-я Неделя по Пятидесятнице, поем каноны сѣце: Октоиха – воскресный 1-го гласа со ирмосом на 4 и Богородицы 1-го гласа на 2; канон Всех русских святых, глас 8, на 8. Аще во ин день, поем каноны сѣце: Богородицы, глас 2: Яже всем удобь послушная: (зри Октоих, повечерие субботы или службу «Утоли моя печали», 25 января) со ирмосом на 6, ирмосы по дважды. И канон Всех русских святых, глас 8, на 8.

Канон Недели всех святых, в земле Русской просиявших, глас 8.

Песнь 1

Ирмос: В Чермнем фараона с колесницами погрузил еси/ и люди Моисеем спасл еси,/ поющия Тебе, Господи, песнь победную,/ яко Избавителю нашему Богу.

Вси в песнях духовных воспойм согласно/ во благочестии просиявшия Божественныя отцы наша,/ яже изнесе Русския земли всяко место и страна/ и яже Церковь Русская воспита.

Радуйтесь, святителие седмочисленнии:/ Василие, Ефреме, Евгение, Елпидие, Агафодоре, Еферие и Капитоне,/ в Херсоне епископствовавшии/ и землю нашу кровью своими освятившии.

Приидите, мучениколубцы вернии,/ песнями почтим первомученики русския, Феодора и юнаго Иоанна,/ идолом не послужившия и крови своя за Христа давшия.

Величие наше и похвала ты еси, Ольго Богомудрая,/ тобою бо свободихомся от бесовскаго прельщения,/ не престай и ныне молити за люди, яже Богу привела еси.

Радуйся и веселися, рабе Христов,/ княже великий и мудрый Владимире, просветителю наш,/ тобою бо избавихомся от душепагубнаго идолослужения,/ темже, радуйся, вопием тебе.

Сияет, яко звезда на небеси, Божий иерарх Михайл,/ землю Русскую просветивый светом познания Божественныя веры/ и Владыце приведый люди новы, банею крещения обновленны.

О блаженнии страстотерпцы Христовы,/ князие Борисе, Глебе, и Игоре, и Михайле с боярином Феодором!/ Не забудьте отечества вашего, глад и озлобление отгоните,/ от грехопадений междоусобий избавите ны.

Богородичен: С чинми ангел, Владычице,/ со пророки, и апостолы, и со всеми святыми/ за ны, грешныя, Богу помолися,/ Твоего Покрова праздник Церкви Русской прославльшия.

Катавасия: Отверзу уста моя:

Песнь 3

Ирмос: Небеснаго круга Верхотворче, Господи,/ и Церкви Зиждителю,/ Ты мене утверди в любви Твоей,/ желаний краю, верных утверждение,/ Единое

Человеколѹбче.

Проповѣдует преслѣвно и пѣче трубѣ вопиѣт/ великая Лѣвра Печѣрская,/ тобою начало приимшая, отче преподобне, Антоние славне,/ всех монахов Церкви Русския первоначальниче.

Воспойм свѣтло монашескаго общаго жития/ в Русстей земли устроителя, блаженнаго Феодосия,/ с ним и Нестора, достопамятных деяний писателя,/ и Алипия, живописания на Руси начальника.

Рай мысленный еси, Печѣрская святая гора,/ умножившая духовная древеся, блаженныя отцы,/ ихже исцести по единому не могуще,/ о всех вкупе хвалу принесем Единому Владыце.

Антоние, Иоанне и Евстафие, твердии исповѣдницы православныя веры,/ издревле в земле Русско-Литовстей насажденнии,/ молитвами вашими от зловредных иноверных мудрований/ соотчицей ваших и всех нас ограждайте.

Ходатаи будьте за отечество ваше земное,/ Афанасие преподобномучениче, и ты, отроче Гаврииле,/ научите убо и нас Православию дерзновенно исповѣдати/ и страха вражия не бояться.

Да почитя Иов преподобный, Лавры Почаевския украшение,/ вкупе со всеми угольники и чудотворцы Волынскими,/ дела своими и чудесы облиставшии преслѣвно земли нашей концы.

Пѣснями священными восхвалим Афанасия, Цареградскаго святителя,/ свое благословение земли нашей принесшаго/ и честныя своя мѹщи нам оставльшаго.

Богородичен: Се время заступления Пресвятыя Богородицы прииде,/ умножившимся соблазном,/ се время наших к Ней воздыханий, о братие,/ рцем убо от всего сердца нашего:/ Владычице, Владычице, помози людем Твоим.

Аще 2-я Недѣля по Пятидесятнице, по ектений кондак и йкос святых (зри страницы <340–341>). Также седальны святых.

Седальен святых, глас 7:

Нощней тьме огустевающей, умножается звездный блеск,/ и к тому очи заблуждших радостно возводятся./ Тако и умножившейся на земли греховней тьме,/ возведем горе очи наши, братие,/ и, сияние духовных звезд, землю нашу озаряющих, узревше,/ к Небесному отечеству потщимся,/ егоже да не лишит Господь нас, грешных, молитвами святых Своих.

Слава, и ныне, глас 4:

Притецем, вернии, к Божественней и цельбоносней ризе Спасителя нашего Бога,/ благоизволившаго сию плотию носить и на Кресте Святую Свою Кровь излияти,/ еюже искупил нас от работы вражия./ Темже благодарственно вопием Ему:/ спаси Первосвятителя нашего и архиереи,/ Отечество наше и вся люди честною Твоею ризою защити/ и спаси души наша, яко Человеколѹбче.

Песнь 4

Ирмос: Ты моя крепость, Господи,/ Ты моя и сила,/ Ты мой Бог, Ты мое радование,/ не оставль недра Отца/ и нашу нищету посетив./ Тем с пророком Аввакумом зову Ти:/ силе Твоей слава, Человеколѹбче.

Первоначальника и устроителя града Москвы,/ блаженне княже Данииле, показа тя Господь,/ к нему же непрестанно моляся, град твой охраняй, землю

нашу от бед спасай,/ православныя же русския люди посещати милостивно не престай.

Молим вас, святителие Христовы/ Пётре, Алексіе, Ионо, Филиппе и Иннокентие,/ Фотие, Киприане и Феоносте и вси прочие Московстии чудотворцы:/ душевное смущение и печали наша бурю разорите/ и тишину нам подайте вашими к Богу молитвами.

И первопрестольник Русския Церкви, и исповедник Православныя веры,/ и обличитель грехолюбивых и мятежных,/ и строитель Русския земли был еси, святителю Ермогене,/ и за сие темницею и голодом мучимь был еси и приемь от Бога неувядаемый венец,/ со святители и мученики веселишися.

Радуется славный град Москва, и веселия исполняется вся Русь Святая,/ на твои молитвы надеющаяся, Сергие Богоблаженне,/ обитель же твоя красуется,/ хранящи честныя твои мощи, яко сокровище священное.

Песньми священными восхвалим преподобнаго Никона, послушания рачителя,/ с нимже воспоим Михея, Савву и Дионисия, Стефана, Андроника и Савву и вся преподобныя ученики и собеседники великаго Сергия,/ ихже молитвами Церковь Русская утверждается.

О премудрии и блаженнии Василие, Максиме и Иоанне Московстии/ и вси Христа ради юродивии на Руси просиявшии, чуднии житием и разумом,/ молим вас прилежно:/ молити Христа Бога нашего за земное отечество ваше/ и всем верным спасение испросите.

Новый столпник в дебри Калужстей явился еси, преподобне Тихоне,/ и купно с преподобным Пафнутием, иночества строгим ревнителем, и блаженным Лаврентием/ ко граду Горнему в стране твоей путь верный проложил еси,/ на немже упаси и нас молитвами твоими.

Богородичен: Подобием иконы Иверския не точию Афон просвещается,/ но и град Москва украшается и инии гради и веси освящаются,/ от той чудесную помощь приемлюще и источник утешения в ней обретающе,/ и нам, Благая Вратарнице, двери райския отверзи.

Песнь 5

Ирмос: Вскую мя отринул еси/ от лица Твоего, Свете Незаходимый,/ и покрыла мя есть чуждая тьма, окаяннаго,/ но обрати мя и к свету заповедей Твоих/ пути моя направи, молюся.

Великаго Новграда первопастырие,/ Никито, Нифонте, Иоанне, Феоктисте,/ Моисее, Евфимие, Ионо и Серапионе, и прочие чуднии святителие,/ в дому Премудрости Божия, яко финиксы, процвели есте,/ словесы благоплодными и непорочным житием.

Светло да похвалятся князие Новгородстии,/ Владимир, Святые Софии пречудныя устроитель,/ с матерью своею Анною, и Мстислав, и Феодор,/ с ними же и вси от рода князей Русских житием богоугодным просиявшии,/ Божественными да воспойются песньми.

Дивнаго Варлаама, велика Новграда славу и украшение, молитвенника нашего,/ и Антония славнаго, от ветхаго Рима на камени по волнам морским преплывашаго,/ Савву же, и Ефрема, и Михайла/ кто достойно прославит от земных?

Едёмскаго рая, приидите, видим цветы присножизненные и богопрозябённые,/ подвиги отец, в пределех Новгородских просиявших,/ ихже есть един Делатель Господь.

Всеволод короткий и Довмонт, Пскову стена необоримая,/ и Никола блаженный и Корнилий преподобный,/ святым крещением чудь Ливонскую просветивый,/ песньми да воспойтсся.

Веру православную пред латины проповедавшии,/ к вечным востекша обителем Исидор пресвитер/ и с ним собор мученический во Юрьеве, граде Ливонстем,/ Царю царей ныне предстояще, молятся о нас, почитающих память их.

Авраамия Богоноснаго, Смоленска украшение,/ и Евфросинию, радование Полотское и девам сияние,/ Христэ мой, Тебэ приводим молитвенники,/ ихже ради спаси нас.

Богородичен: Заступница тёплая иногда великому Новуграду была еси/ и ненадеющихся надежда и людей бедствующих Помощница,/ и ныне оком милосердным призри на нас/ и, скорби наша видевши и воздыхание услышавши,/ знамение милости яви нам, Пречистая.

Песнь 6

Ирмос: Воднаго зверя во утробе/ длани Иона крестовидно распростер,/ спасительную страсть проображаше яве;/ тем, тридневен изшед,/ премирное Воскресение прописаше/ плотию пригвожденнаго Христа Бога/ и тридневным Воскресением мир просвещшаго.

Евангельски Христа возлюбивше,/ преподобнии Зосимо, Савватие, Германе, Иринарше, Елеазаре и прочие Соловецкии чудотворцы,/ мира отвратитесь, в непроходимыя и пустыя острова Соловецкия зашедше,/ всякия добродетели образу навикосте,/ мудрей пчелé подобящеся,/ и селение, достойное прияти Духа Святаго, бысте, премудрии.

Великаго в чудесех преподобнаго Трифона воспойм, Лопарскаго просветителя,/ в последних концех северных страны от горькаго рабства бесовскаго люди избавльшаго/ и святым крещением возродившаго.

Радуйся, пустыне, прежде бесплодная и необитаемая,/ послежде же, яко крин, процветшая и инок множество возрастившая!/ Взыграйте, горы Валаама и вся древа дубравная,/ хваляще с нами Сергия и Германа, вкупе же и Арсения со Александром Свирским,/ отцы всехвальныя.

Жития сего непостоянную пучину немятежно прешел еси, преподобне Кирилле,/ кормчую Матерь Божию имея,/ и ты, Иосифе, Волоцкая похвало, и Ниле нестяжателю,/ на воде покойне и на злце воздержания ученик ваших стада мудро упасли есте,/ и ныне с ними молитесь о чтущих память вашу.

Яко звезды великия, просияша в монашеских соборех/ Антоний Сийский и Трифон Вятский,/ Димитрий на Прилуце и Амфилохий и Дионисий, похвала Глушицкая,/ Григорий Пельшемский, Павел, и Сергей, и Корнилий Вологодстии,/ яко лучами, сияюще добродетельми жития своего, преподобнии.

Боговидно поживше, пустыни, яко грады, сотворили есте,/ Макарие, Варнаво и Тихоне, Авраамие и Геннадие./ Темже вкупе с прочими отцы, в пределех Костромских и Ярославских просиявшими,/ убожаем вас и молим:/

моліте Гóспода, да не лишіт и нас егóже н́іне наслажда́етесь боговидѣнія/ в вѣчном гра́де Небѣснаго Царя́.

Ликуй, Фиваидо Русская,/ красуйтеся, пустыни и дѣбри Олонѣцкия, Белоезерския и Вологодския,/ возрастившия свято́е и сла́вное о́тец мно́жество,/ ч́удным жити́ем всех наставляющее ми́ру не прилепля́тися,/ крест свой на ра́мена взяти и во след Христу́ шѣствовать.

Богородичен: Тво́ею всечестно́ю ико́ною Тихвинскою,/ ю́же вели́кая земля наша я́ко не́кий дар Божѣственный свѣ́ше благоговѣ́но при́ят,/ при́сно страну́ на́шу, о Госпо́же Цари́це Богороди́це, покрыва́й и заступа́й,/ спаса́ющи си́ю от всех наве́т вра́жиих.

Аще 2-я Недѣля по Пятидесятнице, по ектении конда́к воскрѣсен, глас 1: Воскрѣсл еси́: и и́кос воскрѣсен: Воскрѣсшаго триднѣвно: Аще во ин день, конда́к и и́кос Всех русских святѣ́х.

Конда́к святѣ́х, глас 3.

Подобен: Де́ва днесь:

Днесь лик святѣ́х, в земли́ на́шей Бо́гу угодивших, предстои́т в Цѣркви/ и невидимо за ны мо́лится Бо́гу./ А́нгели с ним славосло́вят,/ и вси святѣ́и Цѣркви Христовы́ ему́ спр́зднуют,/ о нас бо мо́лят вси ќупно/ Превѣчнаго Бо́га.

И́кос:

Еде́мскаго ра́я древесá добропло́дная и красна́я яви́шася святѣ́и,/ цвѣты благово́нныя учѣний и плоды́ дел творя́щии,/ от нѣхже ду́ши на́ша пита́ются и глад наш духо́вный утоля́ется,/ приидите́ у́бо, притеце́м под сень их и ублажи́м их,/ я́ко страны́ на́шея отра́ду и украше́ние и я́ко жити́я о́браз нам и начертáние,/ тѣи бо венцы́ при́шша нетле́нныя от Превѣчнаго Бо́га.

Песнь 7

Ирмо́с: Бо́жия снизхожде́ния/ огонь устыде́ся в Вавило́не иногда́./ Сего́ ра́ди о́троцы в пещи́, ра́дованною ного́ю,/ я́ко во цвѣтнице, лику́юще, пояху:/ благословѣ́н еси́, Бо́же о́тец на́ших.

Леон́тий, Иса́ия и Игна́тий, Иа́ков и Феодо́р,/ честни́и Ду́ха сосуди́и и Ростóву украше́ние,/ Авраа́мий, и́долом покланя́вшийся ко Христу́ приведи́й,/ и Петр царевич, и Ирина́рх, самопроизво́льный страда́лец,/ Касси́ан и Па́исий, князь Рома́н и царевич Дими́трий,/ и вси Ростóвстии и У́гличстии чудотво́рцы Божѣственными да воспо́ются пѣсньми.

Да велича́ется Не́вский победи́тель, благове́рный князь Алекса́ндр,/ да поѣтся Гео́ргий, во́ин хра́брый и страда́лец,/ да похва́лится Андре́й, пе́рвый Русския земли́ собира́тель,/ вку́пе со Гле́бом, ю́ным сы́ном своим,/ да воспо́ется же и Авраа́мий мученик,/ гра́да Влади́мира сла́ва, Святы́я Руси́ заступа́ницы/ и Цѣркви Правосла́вныя украше́ние.

Феодо́ру и Иоа́нну сла́ва, Су́здальским свети́льником,/ Сѣ́мону и Диони́сию!/ С нѣми да пою́тся и Евфи́мий, в по́двизех превысо́кий,/ и Евфроси́ния преподо́бная, пресвѣ́тлая Су́здальская звезда́,/ вку́пе же и Косма́, на Яхроме реце́ подвиза́вшийся.

Песнь сто́лпнику Никите́, пока́яния о́браз яви́вшему,/ хвала́ и Дани́илу, ни́щих и безро́дных согрева́телю,/ сла́ва и Андре́ю, княже́ние оста́вившему и в ни́щетнем о́бразе жити́е сконча́вшему,/ Переясла́вским чудотво́рцем.

Константи́не кня́же, апо́столе и просвети́телю Му́ромския земли́,/ с Миха́йлом и Феодо́ром, ча́ды тво́ими,/ и Пе́тре и Февро́ние, и пра́ведная Иулиа́ние ми́лостивая, Му́рома засту́пницы,/ вку́пе же и Васи́лие святи́телю и кня́же Рома́не, Ряза́ни сла́во,/ о нас Христа́ моли́те.

Тверска́я похвало́, Арсе́ние святи́телю,/ Миха́йле, кня́же и му́чениче,/ и А́нно, гра́да Ка́шина сокро́вище,/ Ни́ле и Мака́рие преподо́бнии,/ Ефре́ме, гра́да Торжка́ просвети́телю,/ со Арка́дием и Иулиа́ниею, цвѣтом целому́дрия,/ о нас Христа́ моли́те.

Ору́жием ва́ших моли́тв, благове́рнии кня́зие Феодо́ре и Дави́де с Константи́ном/ и Васи́лие и Константи́не, Яросла́вля сла́во,/ охраня́йте и ны́не оте́чество ва́ше/ и люде́й правосла́вных от вся́ких бед и напа́стей.

Богоро́дичен: Я́ко благода́тное сокро́вище дарова́ла еси́ Святе́й Руси́ ико́ну Твою́ Влади́мирскую,/ ё́уже отце́м на́шим многоча́стне и многообра́зне благода́ля еси́./ Не оскуде́й и ны́не, о Ма́ти Бо́жия,/ утоля́ющи лю́тое на нас воста́ние, и зѣмлю Ру́скую спаси́.

Песнь 8

Ирмо́с: Победи́тели мучи́теля и пла́мене/ благода́тию Твое́ю бѣ́вше,/ за́поведем Тво́им зело́ прилежа́ще,/ о́троцы вопия́ху:/ благослови́те, вся дела́ Госпо́дня, Го́спода.

Красу́йся, гра́де Каза́нь, имѣ́я моли́твенники сво́я,/ преподо́бных святи́телей Гу́рия, Варсоно́фия и Ге́рмана, отгна́вших от тебе́ тьму невери́я,/ и Иоа́нна му́ченика, и Стефа́на, и Петра́,/ оте́ческое неча́стие оста́вивших и му́ченически в Небе́сное оте́чество прешѣ́дших.

Свяще́ннаго Писа́ния от ю́ности научи́вся, богоно́се Стефа́не,/ ра́лом словѣ́с тво́их оляденѣ́вшая зыря́нских люде́й сердца́ возде́лал еси́/ и Божѣ́ственное се́мя в них все́ял еси́./ Ны́не же вку́пе со святи́ми продолжа́тели дела́ твоего́/ Герасимом, Питири́мом и Ио́ною/ па́ству ва́шу и всю Ру́скую зѣмлю моли́твами ва́шими огражда́йте.

Весели́ся, Сиби́рская странó,/ в тебе́ бо Госпо́дь яви́ уго́дники Сво́я:/ пра́веднаго Симео́на Верхоту́рскаго, и Ирку́тския святи́тели Иннокенти́я и Софро́ния, и Иоа́нна Тобо́льскаго,/ но́вья дѣ́вныя свети́льники и чудотво́рцы.

Ра́дуйся, Иве́рие и вся землѣ́ Грузи́нская, торжеству́й, Арме́ние,/ воспева́ющи равноапо́стольную Ни́ну и Тама́ру, Григо́рия Просвети́теля/ и инѣ́х мно́гих, в страна́х Кавка́зских ве́ру правосла́вную испове́давших/ и ны́не о земне́м оте́честве Христу́ моля́щихся.

Иера́рше Богому́дре Димитрие́,/ жити́й святи́х списа́телю и подража́телю о́ным ре́вностный,/ сла́вы о́ных моли́твами тво́ими соде́лай нас о́бщники.

Святи́телю о́тче Митрофа́не, пе́рвый Воро́нежю па́стырю,/ му́жество ве́лие яви́вый, пре́щения царѣ́ва и сме́рти не убоя́вшийся/ и в простоте́ ду́шу сво́ю спаси́й, моли́ Бо́га о нас.

Я́ко пчела́, мед сла́дкий от цвѣто́в скороувяда́ющих собра́л еси́, о́тче Тихоне́,/ от тле́ннаго ми́ра духо́вное сокро́вище,/ имже всех нас усажда́еши.

Богоро́дичен: Засту́пницу усѣ́рдную восхва́лим и честно́му Ея́ поклони́мся о́бразу,/ имже в новопросвещѣ́нной странѣ́ правове́рие утверди́/ и в годи́ну лю́тую ма́терь ру́сских градо́в спасе́./ Сей и гра́да свята́го Петра́ вели́кое

сокро́вище,/ и всея́ земли́ на́шея пресла́вное бога́тство.

Песнь 9

Ирмо́с: О, де́вства край, Богоро́дице!/ пе́снями же сла́вными/ пра́здники
возвыша́ющая благода́тей Твои́х/ и ны́не де́вственною Сло́ва Твоего́ па́мятию/
найдем та́йным украша́ющая в ней/ Тя велича́ющая.

О благи́й просветителю и ти́хий а́нгеле Це́ркве Тамбо́вския, святителю
Питири́ме,/ весели́ся о па́стве твоёй и всея́ Руси́,/ в ней бо но́вая и ве́чная
радо́сть процвете́, преподо́бный Серафи́м, дивный тру́дник спасе́ния на́шего.

О святителю́е Богому́дрии Феодо́сие и Иоаса́фе, дивным нетле́нием от
Го́спода просла́вленнии!/ Ва́ми возвели́чени есмь́ и мы, ча́да су́ще Це́ркве
Правосла́вныя,/ в не́йже и доны́не Госпо́дь чу́дная явля́ет/ и рабо́в Свои́х
прославля́ет.

О но́вый чудотво́рче, Ио́сифе, святителю́ и му́чениче!/ Град А́страхань и
вся Пово́лжская страна́ тобо́ю хва́лится/ и почита́ет тя, за пра́вду от неве́рных
мяте́жников лю́те пострада́вша.

О, па́че сло́ва и превы́ше похва́л святы́х страсоте́рпцев по́двиги!/ Зло́бу
у́бо лю́тых отсту́пников и на́глое иуде́йское не́йство́ство претерпе́ша,/ ве́ру
Христо́ву проти́ву учений́ ми́ра сегó, я́ко щит, держа́ще/ и нам о́браз терпе́ния и
злострада́ний досто́йно явля́юще.

О, твёрдости́ и му́жества по́лка му́ченик Христо́вых,/ от хи́нов лю́тых за
Христа́ уби́енных!/ Ти́и бо Це́рковь Правосла́вную украси́ша/ и в стране́ своёй
кро́ви сво́я, я́ко се́мя ве́ры, да́ша,/ и купно́ со все́ми святы́ми досто́йно да
почту́тся.

О вели́цыи сро́дницы на́ши, именова́ннии и безыме́ннии, явле́ннии и
неявле́ннии,/ Небе́снаго Сио́на дости́гшии и сла́ву мно́гу от Бо́га прии́мшии,
утеше́ние нам, в ско́рби су́щим, испроси́те,/ ве́ру на́шу па́дшую возста́вите и
лю́ди расточе́нныя собери́те,/ от нас, я́ко дар, песнь благода́рения прие́млюще.

Тро́ичен: О Тро́ице Честна́я,/ приими́, я́же земля́ наша́ прино́сит Ти́,/ я́ко
нача́тки и я́ко фими́ам избра́нный,/ вся угоди́вшия и пре́жде, и по́слежде в ней,
зна́емья и незна́емья,/ и моли́твами их от вся́каго вре́да сию́ сохра́най.

Богоро́дичен: О Де́во Благода́тная,/ гра́ды и ве́си на́ша честна́го ли́ка
Твоего́ изображе́нии,/ я́ко благоволе́ния зна́мени, обогати́вшая,/ благода́рение
на́ше приими́ и от бед лю́тых оте́чество на́ше изба́ви,/ вси бо Ты, я́ко Покро́в
всемощный страна́и на́шея, велича́ем.

А́ще 2-я Неде́ля по Пятидеся́тнице, по 9-й пе́сни ектений́ и Свят Госпо́дь
Бог наш: Свети́лен воскресе́нный 2-й: Ка́мень узрэвше: Сла́ва, свети́лен святы́х. И
ны́не, Богоро́дичен его́.

Свети́лен святы́х.

Подóбен: Не́бо звезда́ми:

В пе́снях восхва́лим свети́ла незаходи́мая земли́ на́шея,/ та́инники
Боже́ственнаго Сло́ва,/ Христа́ сла́вяще, сих просвети́вшаго и возлюби́вшаго/ и
помощники́ нам да́вшаго в ско́рби.

Сла́ва, и ны́не, Богоро́дичен:

Све́том лица́ Твоего́ землю́ Ру́сскую оза́рив, Го́споди,/ и ны́не во святы́х
Твои́х, я́ко в луча́х неизче́тных,/ не преста́й оза́ряти нае́ премудро́стию Твое́ю./

яже есть Софія Преименітая.

На хвалітех стихіры на 8, воскресны 4, глас 1: Поём Твою, Христэ: Крест претерпёвый: Ада пленівый: Боголёпное Твоё: И хвалітныя стихіры святых со славноком на 4; две послѣднія стихіры поём со стихі от стиховны малыя вечерни: Стих: Бог нам прибѣжище и сила,/ Помощник в скорбех, обрѣтших ны зело. Стих: Господь сил с нами,/ Заступник наш Бог Иаковль. Слава, стихіра евангельская вторая, глас 2: С міры пришѣдшим: И ныне, глас тойже: Преблагословенна еси:

На хвалітех стихіры святых, глас 5.

Подобен: Радуйся:

Радуйся, Церковь Русская верная,/ радуйся, княже благоверный Владимире преславный,/ радуйся, Ольго избранная!/ Вы бо есте ко Владыце всех/ первейшии наши ходатаи,/ и начальницы православия,/ и наставницы ко истинней вере./ Радуйся, всяко место, и страна, и град,/ граждане воспитавшии Небеснаго Царствия,/ сии святая светила душам нашим явшася,/ сии чудеса зарю, и дѣлы, и знамении просияша мысленно во вся концы/ и ныне Христу молятся/ подати душам нашим велию милость.

Радуйтесь, земли Русския украшение,/ Церкви наша непоколебимое утверждение,/ славо православных,/ чудеса источника,/ любви струй неистощимая,/ светильницы многосветлии,/ Духа Святаго органа,/ кротцыи и незлобивии,/ добродетельми украшеннии,/ человецы небеснии,/ земнии ангели,/ Христа друзи искреннии!/ Того прилежно молитесь/ подати вас чтущим велию милость.

Приидите, Небеснии предстателие наши, к нам,/ вашего требующим милостивнаго посещения,/ и избавите озлобленныя мучительскими прещеніи/ лютаго неистовства неверных,/ от нихже, яко пленницы и нази, гонимы есмы,/ от места на место часто переходяще/ и заблуждающе в вертепех и горах./ Ущедрите убо, прехвальнии,/ и даруйте нам ослабу,/ утолите бурю/ и угасите еже на ны негодование,/ Бога моляще,/ подающего вами земли нашей велию милость.

Слава, глас 4:

Глас евангельский услышавше/ и апостольскою ревностию распалившися,/ в научение неверных языков устремитесь,/ богоблаженнии равноапостольнии/ Кукше, Леонтие, Стефане и Гуріе,/ Германе Аляскинский, и святителю отче Николае Японский,/ и досточудный Иннокентие,/ великия Сибирския страны апостоле/ и просвещения за морем сущих новых стран во Америке первоначальниче./ Темже со всеми прочими,/ во благовѣстии Христове потрудившимися,/ достойно убождаетесь.

И ныне, Богородичен, глас тойже:

Присно Церковь Русская/ о Тебе хвалится и веселится,/ имущи Тя Заступницу непостыдную/ и стену нерушимую,/ не оскудей и ныне, Владычице,/ избавляти Твоя люди от всех бед.

Славословие великое.

Аще 2-я Неделя по Пятидесятнице, тропарь воскресен точию: Днесь спасение миру бысть: Во ин день по славословии тропарь святых, глас 4:

Иерусалима вѣшняго граждане: Слава, и ныне, Богородичен: К Заступнице страны наша: (зри страницу <313>). Ектенія и отпу́ст.

Посѣм исходит предстоятель с кадилом северными дверьми, предъидущим ему двум светильником, ко иконе праздника. И поются стихиры храма Всех русских святых, подобны на осмь гласов.

Стихиры на целование, глас 1.

Подобен: Небесных чинов:

Небеснии граждане,/ сослужбницы мысленным чином,/ чудотворцы русстии,/ не забудьте земное отечество ваше,/ яко на вас упование/ по Бозе и Богородице возложихом.

Глас тойже. Подобен: Прехвальнии мученицы:

Прехвальнии чудотворцы русстии,/ вас ни земля наша потайла есть,/ но небо прият вы,/ и отверзлася вам райския двери,/ и, внутрь рая бывше,/ древа жизни наслаждаетесь,/ Христу молитесь/ даровати отечеству вашему/ мир и велию милость.

Глас 2. Подобен: Кийми похвальными:

Кийми похвальными венцы увенчаем предстатели наша?/ Престолу Божию ныне предстоящая/ и духовно нас посещающая,/ чисте тех любящих,/ всех скорбных утешители/ и всех сущих в бедах прибежище,/ страны наша хранители,/ веры истинныя в ней утверждение,/ православных поборники,/ ихже ради врагов наших возношение Христос низложит,/ имея велию милость.

Глас 3. Подобен: Крестообразно Моисей:

Крестообразно Моисей на горе руке простер к высотѣ,/ Амалика победит,/ святии же сродницы наши/ присно ко Господу простирают руке свои,/ молящися о Русстей земли,/ охраняюще ю от искушений и бед/ и нам образ подающе,/ да, молитвою вооружившися и крестом,/ побеждаем врага,/ прославляюще Спаса Господа.

Глас 4. Подобен: Званный свыше:

Свыше звани бывше,/ основание крепко к добродетелем/ положите в душах ваших, страх Божий,/ сей бо есть начало премудрости/ и окормление во всем житии/ хотящим угодили Богу,/ и на сем основании/ наздасте прекрасныя добродетели/ сохранением животворных Божиих заповедей./ Егоже молитесь/ спасти и просветити души наша.

Глас тойже. Подобен: Хотѣх слезами омьити:

Хотѣх житию подражати/ подвижников благочестия от рода нашего/ и прочее жития моего/ делы добрыми благоугодити Тебе,/ но враг льстит мя/ и борет душу мою,/ Господи,/ святых Твоих мольбами/ помилуй и спаси мя.

Глас 5. Подобен: Преподобне отче:

Преславнии отцы,/ чувственное отечество имущии землю Русскую,/ мысленный же и Небесный град Горний Сион,/ светильницы сущим во тьме отчаяния являетесь,/ покаяния углие пречестное,/ добродетелей Божественное бисерие,/ сирым предстателие и вдовицам,/ законов церковных исполнителие/ и детельнии светильницы воздержания,/ Христа молитесь, Христови молитесь всегда/ даровати Церкви Русстей единомыслие/ и земли нашей мир/ и велию милость.

Глас 6. Подобен: Ангельския предъидите:

Ангельския предъидите силы,/ яже в дому Отчи, уготовайте обители:/ от рода бо нашего подвижницы благочестия,/ яко Церкви первенцы,/ и ныне на Небесех пишутся./ Тем мы, грешнии, в радости возопиим:/ дивен еси, Боже, во святых,/ молитвами их и нас помилуй.

Глас тойже. Подобен: Тридневен:

Память святых –/ радость боящихся Господа,/ подвизавшися бо Христа ради,/ венцы от Него прияша,/ и ныне со дерзновением/ молятся о Русстей земли.

Глас тойже. Подобен: Отчаянная:

Отчаяни есмы/ жития ради/ и не имамы/ нрава добродетельна,/ но, яко приносим Ти/ молитвы святых сродник наших,/ не отвержи ны, Господи,/ утверди Церковь Русскую,/ не презри слезы верных сынов,/ колена пред Ваалом не преклонявших,/ и ихже не истребил еси, согрешающих,/ прими ны, кающиеся,/ святых Твоих мольбами.

Глас 7. Подобен: Нерадивше о временных:

Нерадивше о временных,/ святии соплеменницы наши,/ и на земли Христа ради доблественно подвизавшися,/ воздаяния трудов от Него приясте,/ но, яко имущии дерзновение,/ Того умолите, яко Бога всемогуща,/ Русь в Православии утвердити,/ вся же соблазны церковныя в ней/ до конца искоренити, молимся.

Глас 8. Подобен: Что вы наречем:

Что вас наречем, святии:/ херувимы ли? яко на вас почил есть Христос;/ серафимы ли? яко непрестанно прославили Его;/ ангели ли? в теле бо суще, безплотных житие покажете;/ силы ли? действуете бо чудеса;/ многа ваша имена/ и большая дарования./ Молите спасти нас, сродником вашим.

Глас тойже. Подобен: Иже во Едеме:

Древо во Едеме в рай/ древо съедное прозябло есть посреде садов,/ во всех же концех Русския земли/ святии сродницы наши, яко финикси, процветоша/ и, яко кедри в Ливане, умножишася,/ имиже Церковь наша красящися паче древа Едема,/ радостно прославляет Господа,/ веры ради сих прославльшаго,/ и нас славы оных причастники яви, Христе Боже,/ молитвами их разрушая яже на ны козни вражия,/ и сподоби нас Царствия Твоего, Господи.

Глас тойже. Подобен: Мученицы Твой:

Святии Твой, Господи,/ забыша житейская,/ небрегше о телесных/ будущия ради жизни,/ тоя наследницы явися,/ темже и со ангелы радуются./ Тех молитвами даруй земли нашей велию милость.

Слава, и ныне, Богородичен, глас тойже.

Подобен: О, преславнаго чудесе:

О, преславнаго чудесе,/ Небесе и земли Царица,/ от святых сродников наших умоляемая,/ до ныне землю Русскую покрывает/ и лика Своего изображении милостивно обогащает./ О Владычице Державная,/ не престани и на будущее время/ во утверждение на Руси Православия/ милости и чудеса изливати до века. Аминь.

И бывает елеопомазание. Посем молитва Владыко Многомилостиве:

кратко (зри устав, стр. <381–382>). Аще во 2-ю Неделю по Пятидесятнице, оглашение Студитово и тропарь преподобному Феодору. Час 1-й и отпуст. Таже, сошедшися посреде храма, поем стихи сии:

Утверждение на Тя надеющихся,/ утверди, Господи, Церковь,/ юже стяжал еси/ Честною Твоею Кровию.

Под Твою милость прибегаем,/ Богородице Дево,/ молений наших не презри в скорбех,/ но от бед избави нас,/ Единая Чистая и Благословенная.

Пресвятая Богородице,/ спаси нас.

Вси святии земли Русския,/ молите Бога о нас.

На Литургии

Аще во 2-ю Неделю по Пятидесятнице, блаженны воскресны 1-го гласа на 6, начиная от: Блажени кратцыи: и святых блаженны на 4, глас 8, от: Блажени есте, егда поносят вам: Аще во ин день, блаженны святых на 8, начиная от: Блажени милостивии:

Блаженны святых, глас 8:

На 8: Блажени милостивии, яко тии помиловани будут.

Вси в песнях духовных воспойм согласно/ во благочестии просиявшия Божественныя отцы наша,/ яже изнесе Русския земли всяко место и страна/ и яже Церковь Русская воспита.

Блажени чистии сердцем, яко тии Бога узрят.

О велицыи сродницы наши,/ именования и безыменнии, явлении и неявлении,/ Небснаго Сиона достигшии и славу многу от Бога приимиши,/ утешение нам, в скорби сущим, испросите,/ веру нашу падшую возставите/ и люди расточенныя соберите,/ от нас, яко дар, песнь благодарения приемлюще.

Блажени миротворцы, яко тии сынове Божии нарекутся.

О Троице Честная,/ приими, яже Русь Святая приносит Ти,/ яко начатки и яко фимиам избранный,/ вся угодившия и прежде, и послежде в ней,/ знаемые и незнаемые,/ и молитвами их от всякаго вреда сию сохраняй.

Блажени изгнани правды ради, яко тех есть Царство Небсное.

О Дево Благодатная,/ грады и веси наша честнаго лика Твоего изображения,/ яко благоволения знамени, обогатившая,/ благодарение наше приими/ и от бед лютых отечество наше избави,/ вси бо Тя, яко Покров всемогущий страны наша, величаем.

На 4: Блажени есте, егда поносят вам, и ижденут, и рекут всяк зол глагол, на вы лжуще Мене ради.

Не мечем нашим землю нашу наследихом,/ но десницею Твоею и мшцею Твоею,/ и просвещением лица Твоего,/ и святых Твоих слезами,/ подвиги и поты,/ кровью и учении/ отечество наше утвердися.

Радуйтесь и веселитесь, яко мзда ваша многа на Небсех.

Егда отступихом от Тебе/ и заповеди Твоя преступихом,/ тогда отринул еси ны и низложил еси ны,/ и паче всех язык умалихомся,/ но пощадил нас, Боже, Спасителю наш,/ святых Твоих мольбами.

Слава, Троицен: О Троице Пребожественная,/ уврачуй болезни и скорби наша,/ воздвигни дух наш от лености и сна греховнаго,/ да достойни будем отец и братьев наших,/ подвиги своими/ в земли нашей Имя Твое прославльших.

И ныне, Богородичен: Расточенныя собери,/ отлученныя возврати,/ отпадшия от веры Православныя обрати,/ плачущия и скорбящия утети,/ земли наша подвижшияся сокрушение исцели, Благодатная,/ со святыми соотчичи нашими/ Бога о нас умоляющи.

По входе тропаря и кондакия, и чтения Апостола и Евангелия, и причастны по уставу 2-й Недели по Пятидесятнице (зри стр. <382>) или иного дне (зри стр. <386–387>).

По заамвонной молитве исходим ко иконе праздника, поюще тропарь святых, глас 8: Якоже плод: (зри страницу <328>). Слава, кондак святых, глас 3: Днесь лик святых: (зри страницу <340>).

И ныне, Богородичен, глас 3:

Богородице, христианом Помощнице,/ Твое предстательство стяжавше, раби Твои,/ благодарно Тебе вопием:/ радуйся, Пречистая Богородице Дево,/ и от всех нас бед Твоими молитвами всегда избави,/ Единая вскоре предстательствующая.

Посем читается молитва на благословение колива и краткая молитва ко всем святым земли Русския. (Аще не совершалось Последование молебнаго пения, читается по Литургии полная молитва ко всем святым земли Русския, зри страницы <319–321>).

Молитва ко всем святым земли Русския

О всеблаженнии и богомудрии угодницы Божии, подвиги своими землю Русскую освятившии и телеса своя, яко семя веры, в ней оставльшии, душами же своими Престолу Божию предстоящи и непрестанно о ней молящися! Се ныне, в день общаго вашего торжества, мы, грешнии, меньшии братья ваши, дерзаем приносить вам сие хвалёбное пение. Величаем ваша великия подвиги, духовнии воины Христови, терпением и мужеством до конца врага низложившии и нас от прелести и козней его избавляющи. Ублажаем ваше святое житие, светильницы Божественнии, светом веры и добродетелей светящися и наша умы и сердца богомудренно озаряющи. Прославляем ваша великая чудеса, цвети райстии, в стране нашей северней прекрасне процветшии и ароматы дарований и чудес повсюду благоухающи. Восхваляем вашу богоподражательную любовь, предстателие наши и покровителие, и, уповающе на помощь вашу, припадаем к вам и вопием: вси святии сродницы наши, от лет древних просиявшии и в последние дни подвижавшиися, явленнии и неявленнии, ведомии и неведомии! Помяните нашу немощь и унижение и молитвами вашими испросите у Христа Бога нашего, да и мы, безбедно преплывше житейскую пучину и невреждо соблюдоше сокровище веры, в пристанище вечнаго спасения достигнем и в блаженных обителях Горняго отечества вкупе с вами и со всеми угодившими Ему от века святыми водворимся благодатию и человеколюбием Спасителя нашего Господа Иисуса Христа, Ему же со Превечным Отцем и со Пресвятым Духом подобает непрестанное славословие и поклонение от всех тварей во веки веков. Аминь.

По молитве поём величания Пресвятей Троице, Богородице и святым (зри страницу <331>). Поёмым величанием сим, бываёт целование иконы праздника. Посем: Буди Имя Господне: Псалом 33 и прочее Литургии. Отпуст и

многолѣтие со особым прошѣнием (зри устѣв, страницѣ <382>) и стихѣ:

Утверждѣние на Тя надѣющихся,/ утверди, Господи, Церковь,/ юже
стяжал еси/ Честною Твоею Крѣвию.

Под Твою милость прибегаем,/ Богородице Дѣво,/ молѣний наших не
прѣзри в скорбех,/ но от бед избави нас,/ Едина Чистая и Благословенная.

Пресвятая Богородице,/ спаси нас.

Вси святѣи земли Русския,/ молите Бога о нас.